

奏發遣本院仍抄招行令該道并各該巡按御史各查  
提王文受等并行湖廣按察司提取辜宣到官各問  
擬如律照例施行將犯人袁榮照例會審呈詳待報  
處決潘瑄等再行查究如果盜閩官糧從重改擬發  
落但太監曹得奏稱袁榮潘瑄李秀不守本分假稱  
皇親第姪舍人詐偽傳

旨鈞批偽捏

符驗勘合及与委玳鍾英藍清高剛糾成群黨擅自  
馳驛搶奪客商財物欺凌驛遞官吏索討庫給勒取  
財物委得情犯深重難照常例伏乞

聖明裁處具題次日奉

聖旨是這廝每既構為惡非止一端袁榮依律處決潘瑄  
李秀鍾英藍清委玳高剛都一百便押發廣西巡衛

充軍家小隨住欽此

差官出外提人心給精微批以防矯偽例

弘治元年九月二十三日刑部尚書何奏為申明

舊制事該南京守備等官叅奏南京刑部郎中鄧儒騎馬

擅入

舊內南京監察御史李瑞在

皇城內面

闕而坐該都察院及本部各將鄧儒李瑞各提問罪緣由

具奏

欽蒙差錦永衛官脊

駕帖前去提解赴京臣竊以為鄧儒等既有前罪應該提

問但

祖宗舊例凡差人出外提取人犯勘問事情必給精微批  
所差人員齎批赴府在官司比號相同然後行事及  
其事完該衙門仍將比號緣由具本赴原差人員齊  
奏或硃墨字號此料不同就將差來人員擒拏解京  
此

祖宗防微杜漸之意深也至於京城內外拘拏人犯仍用  
駕帖取其便且速也臣切惟

駕帖与精微批俱出自